
ФАРГОНАДА ФОЙДАЛАНИЛМАЁТГАН БАРЧА БИНО-ИНШООТЛАР ХАТЛОВДАН ЎТКАЗИЛАДИ. МУЛКДОРЛАРГА ОБЪЕКТЛАРДАН САМАРАЛИ ФОЙДАЛАНИШ УЧУН ИМКОНИЯТЛАР ТАҚДИМ ЭТИЛАДИ

Вилоят ҳокими Хайрулло Бозоров, Фарғона шаҳрида бўш турган, тўла қувватда фойдаланилмаётган ёки самарасиз фойдаланилаётган йирик объектларини бориб кўрди.

Собиқ “Буюк ипак йўли” ОАЖ ва собиқ вилоят моддий техника таъминоти бино иншоотларини, шунингдек Бешбола маҳалласида «Тарас-сервис эфект» МЧЖ томонидан ташкил этилган кимёвий ўғит ишлаб чиқариш корхонасини бирма бир кўздан кечирган вилоят ҳоким, объектларнинг мулкдорлари билан уларнинг режалари ҳамда амалга ошираётган лойиҳалари юзасидан мулоқот қилди.

Объектлардан тўла қувватда фойдаланишни йўлга қўйиш, истикболли режалар учун банк кредитлари тақдим этиш, янги лойиҳаларни жойлаштириш бўйича мулкдорлар ҳамда инвесторлар ўртасида диалог ташкил этиш юзасидан кўрсатмалар берилди.

Давлат активларини бошқариш агентлиги вилоят бошқармасига шаҳар ҳудудида бўш турган, тўла қувватда фойдаланилмаётган ёки самарасиз фойдаланилаётган барча объектларини хатловдан ўтказиш вазифаси топширилди.

[Бизни ижтимоий тармоқларда кузатинг Facebook,](#)
2021-02-17 15:13:26